



## **Aningaasaqarnermut Aatsitassanullu Naalakkersuisoq**

**Ulloq:** 20. marts 2020  
**J.nr.:** 01.31.06/20-00869/ 870/ 871

### **Aningaasaqarnermut Akileraartarnermullu Ataatsimiititaliap sisamanngornermi ulloq 19. marts 2020-mi aalajangiineranik Naalakkersuisunut ilisimatitsineq.**

#### **Aningaasarsiaqartunut ikiorsiissutitut katersat – Suliaq nr. 01.31.06/20 – 00869 – Nukinginnartog**

Naalakkersuisut **inassutigaa**:

- 2020-mut tapiliutitut aningaasaliissutininut inatsisissatut siunnersuummi konto pingaarneq nutaaq 64.40.08 Coronavirusi (COVID-19) tunngavigalugu suliffeqarfimmut ikiorsiissutitut katersat ilanngunneqassasoq, tassani ilanngussatut ilanngunneqartutut konto pingaarnermut missingersuutininut ilanngussat najoqqutaralugit aningaasaliissutit 107 mio. kr.-ussallutik, aamma
- 2020-mut tapiliutitut aningaasaliissutininut inatsisissatut siunnersuummi ilanngussatut ilanngunneqartog najoqqutaralugu konto pingaarneq 64.40.08 Coronavirusi (COVID-19) tunngavigalugu suliffeqarfimmut ikiorsiissutitut katersanut oqaasertaliussaq nr. 1 ilanngunneqassasoq”

#### **Inuussutissarsiorfimmut ikiorsiissutitut katersat – Suliaq nr. 01.31.06/20 – 00870 – Nukinginnartog**

Naalakkersuisut **inassutigaa**:

- 2020-mut tapiliutitut aningaasaliissutininut inatsisissatut siunnersuummi ilanngussatut ilanngunneqartutut konto pingaarnermut missingersuutininut ilanngussat najoqqutaralugu 150 mio. kr.-nik aningaasaliissummik ilanngussiffigisamik konto pingaarneq 64.10.35 Coronavirusi (COVID-19) tunngavigalugu inuussutissarsiorfimmut ikiorsiissutitut katersat nutaaq ilanngunneqassasoq, aamma
- 2020-mut tapiliutitut aningaasaliissutininut inatsisissatut siunnersuummi ilanngussatut ilanngunneqartog najoqqutaralugu konto pingaarneq 64.10.35 Coronavirusi (COVID-19) tunngavigalugu inuussutissarsiorfimmut ikiorsiissutitut katersani oqaasertaliussaq nr. 1 ilanngunneqassasoq”

#### **Coronaviruseqarneranut atatillugu akileraarutininut akitsuutinullu imikkut ittumik iliuseqarnissamut piginnaatitsissummik ilassutissatut aningaasaliissutininut qinnute- qaat – Suliaq nr. 01.31.06/20 – 00871 – Nukinginnartog**

Naalakkersuisut **inassutigaa**:

- 2020-mut ilassutissatut aningaasaliissutininut inatsisissatut siunnersuummi suliassarfik 20 – 24 Aningaasaqarnermut Naalakkersuisoqarfik kiisalu Akileraartarnermut Aqutsisoqarfik ilanngussaq naapertorlugu oqaasertaliussat nr. 2 aamma 3 ilanngunneqassasut”

## **Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:**

Inassuteqaatit siuliani allassimasut pillugit aalajangiinini allakkami ataatsimi nalunaarutigissallugu ataatsimiititaliap toqqarpaa.

### **Apeqqut 1:**

Aningaasarsianut taarsissuteqarnissamik ikiorsiinermi sulisartut najugaqavissut Kalaallit Nunaanni najugaqartut nalunaarsorneqarsimasut salliutillugit isiginiarneqassasut Naalakkersuisunut Aningaasaqarnermut Akileraartarnermullu Ataatsimiititaliamit kaammattutigineqarpoq.

### **Apeqqut 2:**

Suliffeqarfiit assersuutigalugu qulinik taakkunanngaluunniit ikinnernik sulisoqartut sulianut ukununga ilaatinneqassappat? Suliffeqarfiit sulisorisamik minnerpaamik 30 %-iilik imaluunniit sulisunik 25-iniit amerlanerusunik soraarsitsinissamik ilimasaarisussanngortut aaq-qissuussineq aqutugalugu aningaasarsianut taarsissutinik pissarsisinnaanerannik Naalakkersuisut oqaaseqaataat ataatsimiititaliamit innersuussutigineqarpoq.

### **Apeqqut 3:**

Ilinniartorpassuit saniatigut suliffeqartut suliassani matumani pineqartuni qanoq inissisimassappat?

Ulluni makkunani ilungersunartorsiorfitsinni ilinniartut saniatigut suliffillit eqqornerlunneqannginnissaat Naalakkersuisunit eqqumaffigineqassasoq ataatsimiititaliamit kaammattuutigineqarpoq.

### **Apeqqut 4:**

Suliani matumani pineqartuni siunertaanngitsumik inatsisinut allanut akerliusumik aalajangiisoqarnissaata pinngitsoortinneqarnissaa Naalakkersuisunit qulakkeerneqarsimassasoq Aningaasaqarnermut Akileraartarnermullu Ataatsimiititaliamit naatsorsuutigineqarluinnarpoq. Tamatumani pineqarput missingersuutit pillugit inatsit inatsisillu allat, taakkununngalu ilanngullugit Inatsisartut Naalakkersuisullu oqartussaaffii pillugit inatsisit. Allaallumi Naalakkersuisunit qulakkeerneqarsimassasoq ajornartoormi inatsisiliornissamut Inatsisartunik immikkut ittumik aggersaanertaqanngitsumik suliat matumani pineqartut sularineqarsinnaanerit, taamaattumillu suliat Aningaasaqarnermut Akileraartarnermullu Ataatsimiititaliamut suliassanngorlugit nassiunneqartut.

### **Apeqqut 5:**

Nunatta karsiata aningaasaataasa tigorianaanaat ulorianartorsiortinneqalinnginnissaat Naalakkersuisunit qanoq qulakkeerneqalersaarpa? Nunatta karsiata aningaasaataanik tigorianaanarnik ikilisisineq sanaartugassanut iluarsagassanullu aningaasaateqarfimmut aningaasaliussanut sunnuteqannginnissaa Naalakkersuisunit qanoq qulakkeerneqalersaarpa? Sanaartugassanut Iluarsagassanullu Aningaasaateqarfimmi aningaasat siunertanut aalajangersimasunut immikkoortitat atorneqarnialissagaluarpata Naalakkersuisut ataatsimiititaliap aqqusaaqqaassagaat ataatsimiititaliamit ersarissumik kissaatigineqarpoq.

**Apeqquut 6:**

Suliani matumani pineqartuni nalunaarneqartunit amerlanerusunik aningaasaliissuteqartoqarnissaa pisariaqartinneqassappat Naalakkersuisut qanoq isummissappat? Assersuutigalugu aningaasarsiaqartunut ikiorsiissutitut katersat pillugit suliami Naalakkersuisut naatsorsuutigaat suliffissaaleqisut 20 %-inik amerleriassasut. Assersuutigalugu suliffissaaleqisut 30 %-imik amerleriarpata qanoq pisoqassava?

**Apeqquut 7:**

Ajornartorsiut Nuup avataanut siaruattoq paasinarsippat Naalakkersuisut qanoq isummissappat?

**Apeqquut 8:**

Sulisut katersatik atorlugit sulinngiffeqarnissaat imaluunniit feeriarnissaat pinngitsoorani piumasqaataava? Inuimmi feeriassanik katersisimanngitsut?

**Apeqquut 9:**

Suliffeqarfiit aallarteqqammersut ingerlataqarsimanermillu kingumut takussutissaateqanngitsut (kaaviiartitanik imaluunniit aningaasarsianik tunniussinernik) suliani matumani pineqartuni qanoq inissisimassappat?

**Apeqquut 10:**

Suliaqarfeqarpa aaqqissuussinerni ilaatinneqartussaannngitsunik, taamaassimappat sooq? Kulturikkut ingerlatat aaqqissuussinermut ilanngunneqarnissaat aammalu piffissap imaalinerani mattussisoqariinnginnissaa Naalakkersuisunut kaammattuutigineqarpoq. Ataatsimiititaliap kaammattuutigaa makku aamma puorneqassanngitsut; atisaarniarfiit, kulturerisut, nujaleriffiit, kiffartuussinermik suliaqartut, suliffeqarfeqqat il.il.

Ataatsimiititaliamittaaq kissaatigineqarpoq aaqqissuussinerit suliani pineqartuni suliarineqartut inuussutissarsiornermi immikkoortunut aalajangersimasunut taamaallaat atuutissanngitsoq, aaqqissuussinerli tamarmiusoq kattuffiit suleqatigilluarlugit eqaatsumik suliarineqassasoq, taamaaliornikkut massakkoqiissaaq kingusinnerusukkulluunniit pisariaqartitsisut ikiorsiissutinik iluaquserneqarsinnaaqullugit.

**Apeqquut 11:**

Sulianut matumani pineqartunut atatillugu suliffeqarfinnut pisortanullu allaffissornermik annertuallaamik pilersitsinissaaq sapinngisamik pinngitsoortinniarneqassasoq ataatsimiititaliamit kaammattuutigineqarpoq.

**Apeqquut 12:**

Aningaasarsiaqartunut ikiorsiissutit aamma inuussutissarsiorfimmut ikiorsiissutit pillugit sulianut tunngatillugu oqaasertaliussani avataani suleqatigisanut allaffissornermik ingerlatinissamut isumaqatigiissuteqarnissamut Naalakkersuisut piginnaatinneqarnerannik allasimasut itisilerneqarnissaat ataatsimiititaliamit kissaatigineqarpoq.

**Apeqquut 13:**

Suliat ingerlanerat pillugu ingerlaavartumik ilisimatinneqarnissani Aningaasaqarnermut Akileraartarnermullu Ataatsimiititaliap kissaatigaa. Tamanna akuttunngitsumik pisariaqarpoq minnerpaamillu ullut 14-ikkaarlugit imaluunniit naatsorsuutigineqanngitsumik pisoqartillugu.

**Apeqquut 14:**

Suliami matumani Inatsisartut akuutinneqartariaqaraluartut Naalakkersuisut naliliippat aammalu tamanna qanoq ingerlanneqassagaluarpa?

**Apeqquut 15:**

Ungasinnerusoq isigalugu kingunerisassat pillugit Naalakkersuisut qanoq eqqarsaater-suuteqarpat aammalu Naalakkersuisut allanik ilassutissaqarpat?

Ataatsimiititaliami ikinnerussuteqartoq Partii Naleqqap ilaasortaaitaa ikinnerussuteqarluni oqaaseqarnissamik kissaateqarpoq, taannalu tiguneqarniariarpat allakkamut uunga malinnaatillugu nassiunneqarumaarpoq.

**Aningaasaqarnermut Akileraartarnermullu Ataatsimiititaliap aalajangiinera**

Siuliani allassimasutut oqaaseqaateqarluni apeqquuteqarlunilu Naalakkersuisut inassuteqaataat Aningaasaqarnermut Akileraartarnermullu Ataatsimiititaliami **amerlanerussuteqartunit akuersissutigineqarput**. Maanna ilungersunartorsiornitsinni sulinermut angusaqarusussuseqarluni peqataanissamut amerlanerussuteqartut sulii piareersimapput.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua